

登壇必究

登壇必究卷之十

淮陰王鳴鶴 編輯

姑蘇袁世忠 校正

輯兩直各省事宜

王鳴鶴曰今天下幅輳之廣與道里遠近形勢扼
塞已具載地理部戎事之暇復輯兩直隸遼陽山
東浙江閩廣事宜者何以備倭也方今倭奴肆侮
據朝鮮以撤我外藩積有歲月勢孔棘已尋且散
逸海上其志不徒在侵掠凡瀕海諸郡縣與倭爲

隣者環東南萬里而遙靡不議兵議餉竭厥力而
禦之上下憂虞無逾今日漳泉之間聞且有駕燧
燧至者以數十計彼懷獐獍之心而中國無賴又
爲之鄉導焉然則善後之圖安所計萬全也是篇
悉採海防圖編及諸書有切於倭情者乃備錄之
卽東南半壁環而萬里一按籍而計若視諸掌易
易也語曰事事乃有備有備無患司寄者其尙究
心焉

北直隸事宜

按

京畿山河帶礪東負大海向未嘗遭倭亂亦未嘗有
備倭之設故兵防官考倭變紀不錄焉以大勢論
之山東遼左突出海外畿甸居中越數島而爲朝
鮮曩者倭奴在其本國誠不能飛渡而肆毒也今
旣據朝鮮而有之則天津永平一帶無不當敵衝
者設重鎮集舟師水陸兼備誠不可後矣議者欲
暫借運船禦之於海是矣但糧船非樓櫓巨艦之

比而運卒豈乘風破浪之夫非計也議者又欲借

舟於閩浙是矣但登萊暗礁突出千里運道久廢

豈篙師能卒辯哉

此自冬月風汛不便言之若夏天南風盛發之時閩浙舟師亦

可用也是喪已成之我軍而填無窮之巨浪也無已

則召閩之工匠於天津永平隨處造舟無不可者

合用木料預先從裏河取運合用兵夫預先於沿

海召集合用器械預先發各處打造一面清野練

兵備之於陸一面鳩工造舟禦之於海木料具工

匠齊數十百艘可計日而就大則爲問罪之師小

則爲備禦之計此今日所當亟爲之圖也然又有
說焉直隸自寶坻天津永平一帶以達山海延袤
數百里水陸設備當不下二萬之衆一年之費當
不下二十餘萬十年則費二百萬也倘倭奴常據
朝鮮則爲備無已時矣執若爲一勞永逸之計興
十萬之師水陸並進電掃席捲伸天朝之威存
亡繼絕固我藩籬較之年年設備便宜百倍或謂
高麗失利遼左無功古今明戒子何言之易耶是
大不然隋唐都於長安去高麗最遠因怒興師誠

爲黷武我朝定鼎北平與高麗共一水耳此門
庭之間當與周之玃狁漢之單于唐之突厥宋之
金元例論豈隋唐高麗遼左比哉且關白封府庫
撫士民財物無所取百姓無所戮此其志欲何爲
耶語曰蝮蛇螫手壯士斷腕蛇已螫頭頭可斷乎
此在廟堂自有定畫無容杞憂爲也

臣聞之俞都督曰用兵有鵬剿有大征事小敵脆
則選銳輕齎襲敵不意似鵬之擊鳥卑飛斂翼而
擊之也故曰鵬剿之兵如事鉅敵堅則徵兵積糧

堂堂正正分道並進以數月爲期故曰大征之兵
兵家必先定其規模而後行之若鵬剿矣用兵太
多機自難密計糧無幾竟致乏匱是以大征之規
模而行之鵬剿也若大征矣用兵太少旣無攻圍
之勢限以旬日不知困守之方賊遁無以堵賊衝
無以迎是以鵬剿之規模而行之大征也兩不收
功職此之由今日高麗之師其爲大征乎其爲鵬
剿乎夫以隋唐之強尙不能得志於遼左乃倭酋
關白一旦舉朝鮮若振槁然則今日問罪興師當

爲大征而不爲鵬剿也明矣如其爲大征也則鐘
試籌之有六焉夫倭自朝鮮而航渡天津也甚易
自遼東永平而迫京師也甚難彼豈不知地形
而故拘唐人以問道於遼者蓋聲東擊西之詭耳
倘或大兵舍天津而屯遼左則彼必揚帆西渡自
燕薊淮揚登萊一帶無不受敵者萬一內地奸民
從而蟻附之其爲患又不止一關白矣故料敵宜
審也自古伐外夷未有用舟師以取勝漢伐朝
鮮用樓船將軍因而郡縣其地唐雖度遼而不用

舟師以戰故訖無成功蓋陸兵所由入之道彼尙得設備以待我舟師一至則隨地可登其勢無所逃遁故舟師宜集也倭奴向之所長者一刀耳聞之關白無論兼有弓銃且慣用撻刀撻刀者倭刀而加其柄也彼其所以稱雄於數島者旣恃以長擊短之術則我所以制禦之者又當出其長技之外故兵械火器宜精也今日水陸之兵計不下十餘萬矣法曰興師十萬日費千金師行糧食皆當預爲之計且朝鮮被倭殘蹂久矣其難因糧於敵

可知也千里饋糧則士有饑色故糧餉宜足也夫
有漢高之才然後可將十萬又安得若而人者而
將之蓋必將將者知兵將之能否審形勢之要害
何宜於水何宜於陸何者由北而南何者由東而
西集謀廣思各盡所長規畫既定然後尅期並進
庶可收萬全之功故選將宜廣也朝鮮自高皇
以來臣服李氏非一日矣今一旦越在草莽宗社
陵夷其中豈無忠臣義士如申包胥之復楚用單
之復齊者誠因而鼓舞之彼既習於地利便於土

俗必能倒戈還向助我傳刃故因間可用也夫惟
六者備然後可以宣威服遠可以恤小定傾如其
未也則寧效委梁之策勿蹈救趙之危寧爲王翦
之持重勿爲李信之輕舉可也或曰關白以封豕
長蛇之心伐之亦入犯不伐亦入犯伐之則變速
而禍小不伐則變遲而禍大柰何曰欲盡關白之
眾而殲之使片帆不返此猶假於時月若欲禦之
使不入犯其策甚易然則計將安出曰其計與寧
夏水攻之意畧同但決水之策昔人嘗行之故皆

知其便此策則自倭變以來未有行者韓淮陰曰
在兵法中顧諸君不察耳謹啓其端俾有事高麗
者當自得之

北直隸兵防官考

北直隸兵防官無慮百數原皆爲防邊而設未有
防海者近因倭警添設提督總兵經畧標下中
軍叅遊天津永平等處添註海防備倭遊擊此
後或有添設未敢列定當闕以俟

沿海府衛州縣

山海衛 永平府 昌黎縣 盧龍衛 樂亭縣

灤州 開平中屯衛 寶坻縣 武清縣 梁城

衛 天津衛

遼東事宜

遼地負山阻海屹然爲東北雄鎮北隣沙漠而遼海
三萬瀋陽鐵嶺之統於開原者足遏其衝南枕滄
溟而金復寧蓋旅順諸軍聯屬海濱者足嚴守望
京師翰屏可謂固矣然觀今日備□邊防頗爲有
賴而備倭海防視爲虛文蓋自劉江金線島之捷
而海氛久熄自山東海運之廢而墩寨益廢於是
旅順諸堡亦無復用識者謂遼東沿邊五路得分
守應援之規沿海衛所亦當如其制如旅順而西

以金州轄之三岔河而南以蓋州轄之三岔河而東以三屯轄之總兵撫按之統其責者秋汛以防邊爲重防海爲次春汛以防海爲重防邊爲次則雖島夷窺伺豈能遽犯哉

鄭若曾曰遼東倭患較諸省似可緩所虞者地千餘里衛所軍旅將十萬員名止藉山海關一線饋餉我朝北都燕而遠漕江南粟又自京師達於遼陽飛輓不繼邊卒輒叫嗷待哺萬一歲歉密邇畿輔□騎乘間何以禦之此其患不在兵之

不强而在食之不足食足則兵强兵强則守固矣
邇者登萊運米達遼甚便惜其不多愚謂 國初
軍屯商中之制至爲精當而太壞極弊司國計者
深念而亟圖之可也

按遼東三面瀕夷一面阻海迤東南爲鴨綠江
朝鮮貢道在焉海上自劉江告捷倭夷絕跡蓋
恃高麗爲之藩蔽也今高麗陷矣覩輔車唇齒
之義則爲遼左慮者豈直東□已哉或謂倭患
必不在遼蓋以倭之志若在子女玉帛也則窮

邊絕塞千里蕭條非所垂涎明矣若其不自揣
量包藏禍心也則揚帆而渡天津稀縱豕突無
所不至何必涉遼越薊犯重關之險哉雖然無
恃其不來恃吾有以待之造舟秣馬水陸兼防
因利乘便批亢擣虛此今日要務也

遼東兵防官考

鎮守總兵官	遼陽副總兵	寬奠叅將	海籌
叅將	復州叅將	寧遠叅將	廣寧遊擊
中	後所遊擊	中右所遊擊	金復守備
			靉陽守

備 中前所備禦 西平備禦 右屯備禦 海

州備禦 蓋州備禦 長奠備禦

遼東兵防官共五十員茲舉濱海地方者數之
餘係防邊不具入

沿海衛所

金州衛 復州衛 蓋州衛 海州衛 廣寧衛

廣寧右屯衛 廣寧左屯衛 廣寧中屯衛

中左所 廣寧前屯衛 中右所 中後所 中

前所

沿海關城墩臺

義州城 城一

穀陽

墩四

塔鬼山 三山
擦牙山 城西

堡三

石冢

青榆林

入塔山

金州衛

守墩堡官軍一千七百二十六員名

城四

望海甸

旅順南城

伯母山

旅順北城

墩三十八

廟家山

小沙河

大沙河

雙溝

鹿線島

黃谷島

青山島

磨盤山

黃家島

老鶴嘴

李蘭店

小黑山

大黑山

太平島

團山島

鹿家島

馬雄島

海青島

蓮花島

花里島

和尚島

南關島

石門

石洞山

長沙嘴

寫島

沙河島

黃井山

島

紅崖島

鐵山島

野雞島

鶴島 鞍山島 鹽場島 杏園島

鬼兒島 七個山島

臺一 三王山

堡六 黃骨島 劉官寨 新寨 山澗 海口 紅嘴

復州衛 守墩堡官軍六百四十七員名

城二 得利瀛城 魏霸山城

墩九 龍王山 萬灘島 樂古山 中島 塔山 長生島 松山 北青海

石家島 駱駝山

堡四 富山 臨溪 楊官寨 樂古驛

蓋州衛 守墩堡官軍二千四百六十四員名

墩九

韋子島

歸山

鬼兒島

泉井

神仙山

白狼山

梁房口

觀家山

遼針山

堡五

梁房口

中山

熊岳驛
八角湖

廣寧右屯衛

關一

三岔河

堡六

東海
常豐

枯菱河
黑林

柘樹
女真

廣寧中左二屯衛

墩三

望海
岳家

孤山

堡十九

樂安
顯陽

富育
團山

嘉和
時和

長豐
仁和

廣濟

永豐

廣盈

臨川

大有

曹稔

福寧

西店

南陽

得安

興稽

廣寧前屯衛 關一 山海

敬九 覺華島 龍宮島 連海山 秦洋島

桃花島 望天島 歡喜嶺 大旺莊

慶春山

堡二十一 安家 慶春 古城 杏林

永豐 長安 海泉 永安

鎮南 新安 積糧 廣積

泰新 樹林 海濱 三山

海舟 興安 城南

老軍 錫安

山東事宜

登州營

登萊二郡凸出于海如人吐舌東南北三面受敵故設三營聯絡每營當一面之倚登州營所以控北山之險也登萊二衛併青州左衛俱隸焉其策應地方語所則有奇山福山中前王徐前諸所語寨則有黃河口劉家江解宋蘆徐馬停皂河馬埠諸寨語巡司則有楊家店高山孫家鎮馬停鎮東良海口柴胡海倉魚兒舖高家港諸司三營各立把總二員以總轄

之其在海外則島嶼環抱自東北峒崆半洋西抵長
山蓬萊田橫沙門鼉磯三山芙蓉桑島錯落盤踞以
爲登州北門之護過此而北則遼陽矣此天造地設
之險也然諸島雖近登州而居島中以取魚鹽之利
者乃遼陽之編伍非山東之戍卒也叫呶跳梁可畏
而不可恃故北海之濱既有府治而設險者復建備
倭城于新河海口以爲屏翰且有木營之建焉沿海
兵防特重其責非若他省但建水寨于島嶼良有以
也夫島嶼既不設險則海口所係匪輕自營城以東

若抹直石落灣子劉家汪平暢蘆洋諸處自營城以西若西王庄西山樂家孫家海洋山後八角城後芝罘島諸處皆可通番船登突巖外戶以綏堂闔其木營典守之責乎

文登營

登萊乃泰山餘絡突入海中文登縣尤其東之盡處也成山以東若旱門灘九峯赤山白蓬頭諸島縱橫沙磧聯絡潮勢至此衝擊騰沸議者謂倭船未敢猝達然考之國初倭寇成山擄白峯寨羅山寨延

大嵩草島嘴等處海側居民重罹其殃倭果畏海奚
而有是哉故文登縣東北有文登營之設所以控東
海之險也寧海威海成山靖海四衛皆隸焉其策應
地方語所則有寧峯海陽金山百尺崖尋山諸所語
寨則有清泉赤山等寨語巡司則有辛汪溫泉鎮赤
山寨諸司遠而北則應援乎登州迤而南則應援乎
卽墨三營鼎建相爲犄角形勝調度雄且密矣有干
域之寄者其思 國初成山之變而儆戒無虞也

故

卽營墨

山東與直隸連壤卽墨縣南望淮安東海所城左右
相錯如咽喉關鎖邇年登萊海警告甯然淮揚屢被
登刼自淮達萊片帆可至犯淮者犯萊之漸也故卽
墨所係較二營似尤爲要自大嵩鰲山靈山安東一
帶南海之險皆本營控禦之責其策應地方語所則
有雄崖膠州大山浮山夏河石洞諸所語巡司則有
乳山行村栲栳島逢猛南龍灣古鎮信陽夾倉諸司
其海口若塘家灣大任陳家灣鵝兒栲栳天井灣顏

武周瞳松林全家灣青島徐家庄諸處俱爲衝要隄防尤難 國初倭寇鰲山毒痛甚慘卽本營所轄

之地也殷鑒不遠封守者其可以弗慎乎

一倭患之作嶺嶠以北達于淮揚靡不受害而山東獨不之及豈其無意於此哉亦以山東之民便于勒馬而不便于舟楫無通番下海之人爲之嚮導接濟焉耳然邇年青齊之兵多爲所擄安知其中無識海道而勾引者乎觀山東諸郡民往往强悍樂于戰鬪倭之短兵不足以當其長鏑勁弩倭之步戰不足以

當其方軌列騎萬一至此是自喪其元也所虞者登
萊突出海中腹背受敵難于隄備 國朝專設備
倭都指揮一員巡海副使一員分駐二郡衛所森嚴
墩堡備周承平日久不無廢弛申明振厲庶幾其無
患乎

一宋以前日本入貢自新羅以趨山東今若入寇必
由此路但登萊之海危礁暗沙不可勝測非諳練之
至則舟且不保何以迎敵而追擊乎故安東以北若
勞山赤山竹篙旱門劉公芝界八角沙門三山諸島

乃賊之所必泊而我之所當伺焉者也若白蓬頭槐
子口橋鷄鳴嶼金嘴石倉廟淺灘亂磯乃賊之所必
避而我之所當遠焉者也嚴出洋之令勤會哨之期
交牌信驗習熟有素則他日
廟堂或修海運亦
大有賴焉獨禦倭云乎哉

一山東今日之患有二其一曰班兵懷跋扈之志久
矣其一日登萊島民原係遼陽所徙不受法制地方
癰毒宜早治而亟平之不然潰決之虞不能免也
一山東關係大要尤在海運考元時海運故道南自

福建梅花所起北自太倉劉家河起迄於直沽迢迢
五千餘里永樂以來會通河成海運遂廢運者皆由
漕河所以避開洋之險也然海險莫甚於成山以東
白蓬頭等處危礁亂磯湍流伏沙不可勝紀非熟識
水洪則不敢行宗伯席書云海運一失人不復生河
運有失尙幸不死以生易死輕重昭然是海運之罷
端爲山東之海險也然漕河自王家閘以北至於德
州千有餘里乃 國家咽喉命脉其通其塞所係
匪輕況黃河漸徙而南或衝而北易爲漕患及今承

平修復海運以備不虞豈非

國家之大計哉嘉

靖初年

廟堂嘗議及此或建議欲於膠州鑿山

濬土以達海倉以避洋險山東撫巡病其煩難而止
惜小害大可慨也夫會通河也膠萊新河也登萊海
險也皆山東所轄之處也今之論山東海患者但知
備倭而不知備運故及之

按日本勢地正對寧紹朝鮮地勢最邇登萊隋時
登萊造舟以伐高麗壤相近也嘉隆間倭自本國
乘汎入犯所毒痛者上自浙直下及閩廣耳山東

未嘗犯寇被兵也今倭據朝鮮則今之山東卽昔之閩浙也添守備之設留上班之軍誠急務矣然向者爲患在數千里之外尙爲疥癬之疾今則爲患在數百里之內實爲腹心之憂問罪興師以除剝床之禍在今日誠未易談也雖然高麗自

國初以來爲不侵不叛之臣至于今不貳者恃中國爲之緩急耳若危不能持廢不能興則東南海外朝貢者三十六國將何所觀望哉春秋諸侯有相侵伐者齊桓公不能救則桓公恥之此山東往事也

故及焉

山東兵防官考

備倭都司

今改遊擊

文登守備

即墨守備 沙

溝守備

此外有都司掌印僉書各一員春秋領班僉書

六員

沿海衛所

青州左衛

京操軍三千六百二十人

屯軍四百五十三人

城守軍七百

萊州衛

京操軍三千六百二十人

城守軍餘二百

五十人

屯軍四百四十七人

捕倭

軍四百十三人

王徐寨所 城守軍餘四十八人

登州衛 京操軍二千九人 城守軍餘二百五十人

屯軍一百一十四人 捕倭軍八百二十八人

福山所 守城軍餘百十四人

寧海衛 京操軍一千六百六十五人 城守軍餘一千一百一十人

屯軍三百九十一人 捕倭軍三百五十四人

奇山所 京操軍四百九十八人 城守軍餘一百十三人

屯軍六十人 捕倭軍七十五人

威海衛

京操軍一千三百六十八人

城守軍餘
屯軍二百二十四人
捕

倭軍二百八十五人

金山所

城守軍餘一百十四人

百尺所

守城軍餘
三十五人

成山衛

京操軍一千一百五十六人

城守軍餘
二百六十一人
屯軍二百四十人

捕倭軍二百三十四人

尋山所

守城軍餘九十四人

靖海衛

京操軍一千五百九十三人

城守軍餘
一百五十人
屯軍四百二十八人

捕倭軍三百十三人

寧津所

京操軍五百二十九人

城守軍餘一
百六十八人
屯軍六十八人
捕倭軍

六十八人

海陽所

京操軍四百九十六人

城守軍餘一

屯軍六十六人

捕

倭軍一百二人

大嵩衛

京操軍一千四百九十一人

城守軍餘

三百五十八人

屯軍四百二十八人

捕倭軍二百四十六人

大山所

守城軍餘二十六人

鰲山衛

京操軍一千六百三十一人

城守軍餘

一百七人

屯軍二百九十九人

捕倭

軍三百八十五人

雄崖所

京操軍五百七十一人

城守軍餘九

屯軍七十七人

捕倭軍

二百一十人

浮山所 守城軍餘五十六人

靈山衛 京操軍一千二百十三人 城守軍餘一百十六人 屯軍二百八十七人 捕

倭軍一百九十一人

膠州所 京操軍四百六人 守城軍九十四人 屯軍七十七人 捕倭軍四十四人

夏河所 守城軍餘六十七人

安東衛 京操軍一千五百七十六人 城守軍餘三百五十八人 屯軍三百九十一人

捕倭軍二百六十九人

石臼所 守城軍餘四十八人

沿海墩堡

塘頭寨所

守城軍餘七十六人
守墩軍餘二十人

墩十

甯家墳
田水河

荆埠

宅科
公母堂

官臺
黃種河

上河
韓城

魚兒巡檢司

守墩弓兵十五人

墩五

土山
白堂

東關
海鄭

後龍

柴葫巡檢司

守墩弓兵十八人

墩六

諸高
上官

太原
小皂

柴葫
諸黃

馬埠寨所

守城軍餘四十人

墩四

竈河寨

守墩兵十二人

墩四

東寨
埠出

三山
皂河

馬停寨

墩三

畧百
銚鑪旺

河口

王徐寨所

墩六

豐場
王徐

高沙望
滋口

藏會
莊頭

東良海口巡檢司

墩三

虎口
界河

東良

馬停鎮巡檢司

墩六

楊家莊

白沙

呂口

千里

西高

瑤家

黃河寨

墩五

王同莊

小河口

任家

樂家口

城兒嶺

劉家江寨

墩三

西峯山

白林嘴

灣子口

解米寨

墩五

繳家莊

木基

盧里

黃石廟

昇米

楊家店巡檢司

墩四

華石園 鷄鳴
磁山 白石

盧洋寨

墩四

賊後 郭家莊
八角 城陰

登州衛

守墩軍餘二十一人

墩七

蓬萊閣 田橫 西莊 林家莊
王徐 教場 扶直

孫奔巡檢司

守墩弓兵九人

墩三

旗掌 塔山
崗崙

福山所

守墩軍餘二十五人

墩五

龜後 營後 芝陽
大岩 高山

堡一

福山

奇山所

守墩軍餘一十八人

墩四

鬘斗
木柞

埠東
現頂

堡二

西牟
黃務

清泉寨所

守墩軍餘一十五人

墩六

石溝
清泉

午臺
高家莊

長角嶺
裏口

寧海衛

守墩堡軍餘四十二人

墩十三

馬山
草埠

簪子窩
峯山

戲山
杏林

小峯
侯聖山

石子現

板橋

管山

曲水

朱家

堡五

蕪菱
湯西

辛亥
栲栳觀

修福

金山所 守墩堡軍餘十八人

墩五 駱駝 金山 小峯 鳳凰 衛山 堡一 鄒山

威海衛 守墩堡軍餘三十六人

墩十二 天都 峯山 豹虎 磨兒 斜山 麻子 曹家莊 遠遶

古陌頂 廟後峯 焦子準 陳家莊

百尺崖所 守墩軍餘二十七人

墩九 望天嶺 蒲臺頂 老姑 韓山 寶家崖 芝麻嶺

百尺崖 曹家島 松里

辛汪巡檢司 守墩弓兵三人

墩一

辛汪

成山衛

守墩堡軍餘二十七人

墩十一

大姑山

大一頂

高嶺

仲山

歇馬神

馬山

俞嶺

固嘴

裏島

白峯頭

狼家頂

堡八

張家

北留村

石礪

洽口

堆前

報信

神前

祭天嶺

尋山所

守墩軍餘五十一人

墩十七

青山

蒸餅山

大小泊

佛勝口

牆家埠

葛頭山

紀子埠

青魚島

考趙

馬山

楊家嶺

小勞山

黃連嘴

古老石

長家嘴

羊家島

固山

溫良鎮巡檢司

守墩弓兵六人

墩二

可山
半月山

寧津所

守墩軍餘三十九人

墩十三

龍山
王家舖

慢埠山

龍虎山

七現口

大頂山

施地崗

高樓山

芝麻灘

萬口

柴家山

青華山

孟家山

堡二

崗山寨
棚子山

靖海衛

守墩堡軍餘六十三人

墩十八

石崗
唐浪頂

郭家口

舞木山

柘島

慈山

望將山

墳臺頂

標杆嶺

葫蘆山

茨蕪寨

狗脚山

石脚山

赤山嘴

頭姚山

峯山窩

浪浪

大灣口

蒸餅山 孤西山

堡三

店山

赤山寨巡檢司

守墩弓兵三人

墩一

田家嶺

海陽所

守墩堡軍餘五十一人

墩九

小龍港 城子港 峯子港
白沙山 栲栳港 撤雪山

驢山 棉子山

乳山

堡八

湯山 孔家莊 黃利河 孤山
滑港 扒山 松村 窄山

乳山寨巡檢司

守墩弓兵九人

墩三

裏口 長角嶺
高家莊

大嵩衛

守墩堡軍餘三十六人

墩七

望石山 辛安 草島嘴 擒虎山
劉家嶺 麥島 楊家嘴

堡五

界河 管村
黃山 小山

大山所

守墩堡軍餘二十四人

墩七

黃湯 虎巢山 大山
朱皋 陷牛山 北嶺山

堡一

雙山

行村寨巡檢司

守墩弓兵九人

墩三

高山 田村
靈山

雄崖所 守墩堡軍餘二十四人

墩五 米粟山 望山 土家山 蝦村 公平

堡三 青山 王鸞 羊山

栲栳巡檢司 寺墩弓兵九人

墩三 丈二山 金錢山 望梅

浮山所 守墩堡軍餘四十五人

墩十九 孤山 城陽 樓山 紅石 蘄山 女姑 張家莊 陸家莊

東城 桃村 狗塔埠

公瓦窩 嶺 雙山 塔山 麥島

拜墮 營前

明旺

堡五

中村 萬頭山 郭城
馬山 大村

鰲山衛

守墩堡軍餘七十五人

墩二十

桑園 皮嶺 石爐山 黃望
峯山 走馬嶺 羊山 張家

高山 蕭旺莊 捉馬嘴 衛南
榜佬 石老人 龍江 壁石

橫擔 勞山
石嶺 分水嶺

堡五

石張口 葛口爐 孫同
塔兒 東城

膠州所

守墩軍四十八人

墩十

辛莊 沙嶺 大埠 杜家港
孤埠 石河 洋河 沙埠

汪家莊

塔埠

堡六

陳村

石湖

樂村

拓溝河

八里莊

鹿村

古鎮巡檢司

守墩弓兵九人

墩三

西莊
北青

古積

夏河寨所

守墩軍餘四十八人

墩十六

丁家村
封家嶺

王家莊

小灘

沙嶺

上盤

走馬嶺

趙家營

車疊山

柴良山

海玉莊
黃埠

北顯溝

徐家埠
大虎口

靈山衛

墩堡三

石喇叉
鹿角河

焦家村

青石山

花山

劉家溝
湖南嘴

東石山
白塔

孫家港

沙溝
捉馬山
賊家驢

張家莊

長城嶺 黃山 野山埠 鳳火山

西子埠 李家 唐島 安嶺

敵堯山 黃準

船子山 木寨東門

逢猛巡檢司 守墩弓兵九人

墩三 島兒河 互埠 彭家港

高家港巡檢司 守墩弓兵六人

墩二 司後 石碑

南龍灣巡檢司 守墩弓兵六人

墩二 胡家 陳家臺

信陽鎮巡檢司 守墩弓兵十二人

墩四

南黃

南石蘭

東沙嶺

西大嶺

石臼所

守墩堡軍餘四十二人

墩十四

湘水

滔洛

滕家嶺

古城

石河

金銀

湖水

董家口

釣魚

溫桑溝

清泥

北石臼

孤蒼山

夾倉巡檢司

守墩弓兵十三人

墩四

焦家

蔡家

相家

三义口

安東衛

守墩堡軍餘四十五人

墩十五

藕頭山

鴉高山

泊峯

大河口

張洛

黑漳子

滔洛

小皂兒

烽火山

虎山

木寨

孤嘴

昧溝

各省兵防官考俱不載巡司而山東獨及者以巡
司墩寨與衛所烽墩鱗次錯錯故具載之

直隸事宜

直隸東瀆巨海北亘長淮中貫大江江南則爲蘇松常鎮諸郡江北則爲淮揚諸郡其勢不能以相援也故各有巡撫之設在蘇松四府有防海防江二者之責在淮揚二府有防海防江防淮三者之責以其均之爲直隸也合爲一卷

江南諸郡

松江府自金山衛至南匯所官軍各分信地各有定額如金山衛以西守禦獨樹江門二營舊制各設官軍四十名又貼守兵共一百名金山衛以東守禦金山營胡家港堡蔡廟港堡舊制各設官軍四十名又貼守軍共三百五十二名已上正守軍人係金山衛查撥貼守軍係太倉鎮海二衛嘉興千戶所調發每歲二月上班十月掣班

青村以東各洪港舊制係青村官軍把守南滙以北
各洪港舊制係南滙官軍把守今查修復海塘須照
舊分派但太倉鎮海嘉興同有倭患貼守官軍似難
調發相應於金山青村適中如柘林地方南滙吳淞
適中如七八團地方添設陸路把總二員各領精兵
一千暫借民居劄營隨路有警相機策應此松江海
塘設備之大畧也若沿海港口金山以東有翁家港
蔡廟港柘林滙缺等處南滙以北有四五六七八九
團洪口川沙窪清水窪等處宜設船防守按舊制金

山衛所造船各有定額

左右前後所每百戶所造出海哨船四隻共計八千隻青

前二所每百戶造出海

哨船四隻共計八十隻

俱就各衛所派撥巡軍在海

巡邏正統間因海患寧謐或以船爲虛費題准以江

船易馬而哨船之制遂廢矣今議設船隻一馬之資

不足以備一船之用官軍窮苦又難賠措合令每馬

二疋造船一隻再於衛所查有地租公費銀兩與松

江府庫軍前銀內相兼轉數每船量貼銀十兩金山

衛總委一官督造其各船應用器械火器合於原議

太倉置造軍器內給發聽用就點各衛所知水軍人

操習水戰布列港口各分信地如倭賊突至而敢容
其停泊者服以上刑則自無規避之患矣此松江海
港設備之大畧也夫沿海設備固爲上策萬一外守
不固則黃浦一帶又爲蘇松險要守浦乃所以守門
戶猶有愈於守城也今吳淞江口卽爲黃浦口子旣
經設備而吳淞江所亦設兵一枝以防深入矣至於
上海之高倉渡沈庄塘周浦閘港閔行華亭之葉謝
曹涇張堰等處賊亦登岸搶船渡浦甚易除松江府
先後打造雙塔船鷹船各船發上海華亭召募水兵

分布沿浦各港巡邏把截又華上二縣各募鄉兵護
守城池有警調至浦邊協守但前項兵夫官無專職
則事難責成而沿浦二百里之遠本府巡捕官一人
勢難管攝合令清軍同知一員帶管華亭鄉兵水兵
自豐涇以至閔行皆其信地再設巡捕同知一員住
劄上海專管該縣鄉兵水兵自閔行以至嘉定界首
皆其信地無事率兵操演有事統兵防守此松江內
地設備之大畧也然倭船之來乘風渡海勢難聯絡
每至海外大山必停泊候齊然後深入照得佯山爲

本府所屬爲定海吳淞江二總兵兵船會哨之處以地里適均故也本府所造之船數本不多僅可以支把港之用此但可以言守而不可以言戰須得福船蒼山各數十隻沙耆民船二三百隻每至風汛時月分泊港口各住信地更番出至洋山往來遊擊晝夜不絕外則爲定海吳淞江會哨兵船之羽翼內則爲海港把守兵船之捍衛遇有海賊齊力奮擊賊船綜散而少我船綜合而眾盛衰之氣勢旣分則勝負之分數自判得海防之上策矣又查得沿海民竈原有

採捕魚蝦小船並不過海通番且人船慣習不畏風濤合行示諭沿海有船之家赴府報名給與照身牌面無事聽其在海生理遇警隨同兵船追剿此則官兵無造船募兵之費而民竈有得魚捕盜之益此松江海洋設備之大略也

己上都御史方公廉前任松江府呈

蘇州沿海一帶險隘甚多舉其大者則常熟有福山港白茆塘太倉有劉家河七丫港嘉定有吳淞江黃涇港皆賊之通衢而東吳之門戶此則所謂一府之

險要長洲則泖湖浩蕩吳江則驚湖相屬吳縣則太湖交通皆賊之徑道而腹裏之關隘此則所謂一縣之險要其次則福山以西有三丈浦斜橋以東有許浦金涇劉家河以北有新塘浪港茜涇吳淞江以南有寶山以東有老鸛嘴均之所謂險要而少次焉者況海濱數百里一望平坦非有山嵐險阻爲之扼塞皆可以泊船登岸要害無邊兵力有限而防禦之計當先其大者以海邊惟福山爲最以腹裏惟勝墩爲最故劉家河吳淞江福山港舟師防守不可單弱白

渌口七了港黃窩港俱當預設戰艦庶與各港相爲
犄角又如賊自東南而來必由寶山吳淞江宜發船
一鯨泊於吳家沙以堵截之賊自東北而來必由三
沙劉家河宜發船一鯨泊於營前沙以堵截之把總
遊兵船隻往來策應而三丈浦新塘老鶴嘴等處亦
得以聯絡而并制則蘇之外防或可無憂矣至於風
汛時月吳淞水兵統發勝墩平望以防嘉興突犯之
寇吳縣水兵統發太湖以防蠡里突犯之寇長洲區
發水兵統發周莊以防泖湖突犯之寇本府相度緩

急發遣水陸之兵以爲應援則蘇之內防或可無憂
矣然福山港劉家河吳淞江各該把總之官統領兵
船在洋堵截以爲有備但賊船之來聯踪接艦乘風
駕潮萬一不能盡行邀擊或有一二泊淺登岸則水
兵束手旁觀任其焚劫無可柰何而把總官亦且以
爲非所事事矣合於常熟縣分撥兵勇一千名屯駐
福山港五百名屯駐白茆塘太倉州分撥兵勇一千
名屯駐劉家河太鎮二衛原練杆子軍兵五百名屯
駐七丫港嘉定縣分撥兵勇一千名屯駐吳淞江五

百名屯駐黃窩俱聽各該把總選官分領相機調度
賊在外洋則水兵擊之賊若登岸則陸兵堵之彼此
夾攻遠邇互應各該州縣量爲聲援如此則賊亦疑
畏而不敢犯矣至於腹裏如崑山縣分撥兵夫三百
名屯駐清洋江三百名屯駐千墩吳江縣分撥兵夫
五百名屯駐勝墩各張聲勢以助軍威各該領兵官
聽其調遣不許退避萬一賊勢重大未易爲功則各
收之兵又宜聽府州縣掌印官調回守城庶事體專
一可以責成兵勢聯絡不致孤懸矣

已上副使溫公景蔡前任蘇州府議

都御史唐公順之云海賊入江由江兩岸登陸之路
廖角嘴營前沙南北相對海面約闊一百四五十里
爲第二重門戶周家橋與圖山相對周家橋北岸至
順江洲與江南分界江面約闊六七里順江洲至新
洲夾江面約闊七八里新洲夾至圖山南岸江面約
闊十四五里爲三重門戶三處領水兵官須整備船
艦晝夜緊守三門勤會哨以防春汛門戶既固堂奧
自安若三門稍有疎虞至不得已而守金焦兩岸所

謂下策與無策矣

巡撫都御史翁公大立題云今日海防之要惟有三策山海會哨毋使入港者得上策循塘距守毋使登岸者得中策出兵列陣毋使近城者得下策不得已而至守城則無策矣臣周行海壖分布信地視吳淞所乃水陸之要衝蘇松之喉吭也提兵南向可以援金山之急揚帆北哨可以扼長江之險以副總兵統兵鎮之自吳淞而北爲劉家河爲七丫港又東爲崇明縣七丫而西爲白茆港爲福山又折而西北爲揚

舍爲江陰爲靖江又西爲孟河爲圖山此皆舟師可
居利于水戰臣皆設有兵船非統以把總卽統以指
揮而又以圖山遊兵把總駐劄營前沙會哨於江北
吳淞遊兵把總駐劄竹箔沙會哨於洋山常鎮叅將
統水陸兵據江海之交鎮守於揚舍所以備水戰者
亦旣密矣但吳淞而南雖有港汊每多砂磧賊可登
岸兵難泊舟非選練步兵循塘距守以出中策不可
也今自吳淞所而南爲川沙堡以把總練兵一枝守
之川沙而南爲南匯所以把總練兵一枝守之南匯

而西爲青村所以把總練兵一枝守之青村而西爲
柘林堡以都司練兵一枝守之此皆不遠六十里聲
援易及首尾相應宛然常山蛇勢也柘林而西爲金
山衛西連乍浦東接柘林頻年皆賊巢穴添設遊擊
將軍一員統領馬步遊兵往來遊擊則北可以護松
江而西可以援乍浦

副總兵鄧公城曰倭自彼島入寇必乘風汛之便如
遇正東風必由下入陳錢馬蹟等澳以犯浙江遇東
南風必由茶山入大江犯直隸所以然者以海中山

沙自馬蹟而北至於崇明或斷或續互相連絡船不能東西飛渡故 國初於海島便近去處俱設衛

所堡寨以控禦之至爲精密承平日久寨衛徙置倭患浸興今督撫修復舊制凡海中諸山沿海險隘建官屯守分船巡哨自舟山以北如大衛馬蹟洋山爲倭所必經之地而陳錢尤爲分鯨要衝設副正二總兵分駐金山臨山互守陳錢叅將分屯馬蹟等山以防倭寇之從下入山來者又於狼山蓼角嘴設遊兵把總以防倭寇之從茶山來者又於昌國以北崇明

以南沙島迂廻羊山中峙仍設遊叅二員一駐定海
一駐竹箔嚴督各總南北會哨以防倭寇之四散逸
入者伺察既嚴警報尤捷居常各督所轄有急互相
策應賊又安能越過各島流毒內地哉當職者誠能
守如赴戰哨如臨戰運臂使指潛機伏形或迎其來
或邀其歸萬無不中矣

直隸江南兵防官考

鎮守江南副總兵

駐劄吳淞所

蘇松泰將

駐劄金

山蘇松遊擊

駐劄劉家河

福山把總

劉家河把

總 吳淞中軍把總 吳淞遊兵把總 川沙把

總 柘林把總 以上俱兼防海 巡撫標下坐營

楊舍守備 京口圖山把總 江防把總 駐新江

江口遊兵把總 駐京城外 荻港把總 以上俱係防江

沿海衛所

鎮海衛

左右中前後五所 崇明所

太倉衛

左右中前後五所 吳淞所

金山衛

左右前三所 俱在衛城 後所 今謂寺拓林鎮堡 中

所 今謂寺松江府縣 南匯所 青村所

沿海營堡臺烽墩

蘇州府

營堡六 福山 九折村 雙兵村
七了 劉家河 白茆

烽墩 野水溝 福山 鰓魚 奚家
三丈浦 烏沙港 小秦 黃溪

毛浦 西洋 雀浦 海洋
唐浦 盧浦 高浦 新莊

金涇 許浦 白茆 黃洪
大錢涇 干步涇 黃濱 鹿鳴

雙鳴

唐西涇

浪港

七丁

下涇

黃涇

耿涇

張浦

黃窖

新塘

月浦

顧涇

練祁

綵海

五岳

寶山

東涇

呂家圩

馬沙

中涇

依有

周家洪

生宇圩

徐陸涇

大陳浦

松江府

營五

大盤

小盤

江門

金山

獨樹林

堡四

川沙

蔡廟港

柘林

胡家港

塘舖二十四

前所二瞭守軍四人
右所二瞭守軍四人

左所二瞭守軍四人
中所十七軍三十四人

烽堠

南滙十八

十八墩 十七墩 十六墩 十五墩

十四墩 十三墩 十二墩 十一墩

十墩 九墩 八墩 七墩

六墩 五墩 四墩 三墩

二墩 頭墩

青村十二

五墩 舊四墩 新四墩

三墩 二墩 頭墩

焦樹 大門 宋家

咸梁 東袁浦 西袁浦

陸鶴 周公

左所三

漂缺

右所三

胡家 東新

西新

前所四

金山 戚家 橫厓

篠館

後所三

葛達
新廟

江門

江北諸郡

都御史唐公順之云廟灣剿賊之路原有兩條一條從寶應拖船過壩水路自清溝喻口進攻則兵勢既便而饋餉亦易一路從淮安至馬邏陸路進攻則兵勢既迂而饋餉亦難

又云江北局面與江南浙福不同靠不得水戰止靠陸戰也

閩縣知縣仇俊卿云海寇之來每自南而北度南塵

山則自廣入閩矣過流江寨則出閩入浙東矣越海門則又浙之西矣踰寶山至吳淞沙等處則又自浙入江南直隸矣沙上以南不暇泛及茲以海道之要害切于江北者言之狼山當江海之吭而膠角掘港皆揚之東南界也朐山據淮海之首海州鶯游山皆淮之東北境也中包泰興之周家橋鹽城之射陽湖山陽之雲梯關廟灣等處此皆沿海衝要之區寇盜可以停舶出沒之處乃據守所當先者也

吳郡監生金魚云倭寇之患起於吳浙而沿及淮揚

蓋揚州富甲天下人所素聞三十五年之夏賊以二百餘人突至揚州城下城中謹閉自守任其遊逸無如之何大掠而去自是益生歆豔而揚州爲賊所必窺之地矣以江北之大勢言之東起廖角嘴大河口以及呂四盧家等場沿于楊樹港海門裏河通州與如臯泰州稍折而北則爲揚州矣過揚州而西稍北則天長滁州抵中都踰海門而北則爲徐步營又北則爲掘港又東北則爲新揀港轉而西北則金沙鹽城廟灣劉庄姚家蕩再西北則蛤蜊麻線等港而至

大海口矣劉庄東北則安東安東之北則爲海州賴榆泰州西北則爲高郵寶應寶應之北爲淮安淮安轉西則泗州以達鳳陽此江北形勢之大略也賊入海之道有二其一新港爲一道新港卽所謂三江口蓋由南江狼山越儀真瓜州而入登岸則卞家墳周家墳稍折而東則揚州矣此可入以登岸亦可從以出海者也此最爲便道其二則蛤喇麻線等港沿北大海口爲一道大海口有水陸路南通廟灣與劉庄姚家蕩俱爲大鎮賊若據此我兵屯於湯潮岸等處

賊南尋新港路出不得則必北尋大海口而出勢所必然也若安東海州之東北有大北海不惟道里迂遠且砂磧甚多此不可運舟者也掘港新插港之東亦有北海砂磧亦多不堪重載此但可從以入而不可出者也是賊出海之路止有三途若其登岸之處則不一東則庾角嘴呂四場西則揚樹港徐沙營又西則狼山揚樹港北則新插港掘港皆其所從以登岸而入寇之路也夫賊所歆慕惟在揚州一執居民便問其道若登狼山必窺通州而揚州在西使于餘

東餘西等處率民以掣其後則賊必不敢直前以寇揚州若干廖角嘴呂四場或新插港掘港以進使于餘東餘西等處屯兵以遏之則揚州可無危故今餘東餘西等處最爲要地而當事者欲屯宿重兵以控扼賊鋒者有以也按江北之地細港委蕩固亦有之而平原浩壤則視吳松爲多夫西北騎兵倭寇未易以撓其鋒也旣得平地則騎兵可施三十八年之捷以西北騎兵三千爲之先衝可見也他有湯潮岸者又范公所築以捍海溢者也故亦名范公堤東南起

呂四場西北抵姚家場綿亘幾三四百里高岡平行
可用騎兵爲之長驅今東關瓜州俱已建堡賊若於
廖角嘴呂四場及新插港掘港以進或不能襲取揚
州必轉之東北而窺淮安安東以據劉庄廟灣我軍
苟能彼此夾攻逼之使至湯潮岸以西北騎兵衝其
鋒而以火器繼之各路兵隨後擊之賊可一戰成擒
矣故我軍惟利賊之至此者有以也新插港東臨北
海素有鹽徒數百艘聚泊崇明北倭之寇欲劫鹽協
徒而不果當事者欲置官于此以提督鹽徒使不爲

賊用而爲我用亦一見也夫寇興以來燒劫屠戮之慘吳浙淮揚所同若獲利之多則未有如淮揚者而賊所必不能舍者在是矣況其地運道

陵寢在焉所係尤重乎夫江北之地除安豐等三十六場俱在海內不爲要害其要害之處乃通州也狼山也楊樹港利和鎮也餘東餘西等場也廖角嘴呂四場也掘港新插港也廟灣劉庄金沙場姚家蕩也今皆已建城堡設戍守非若往日之無備矣其要害之尤者曰新河出入最便逼近揚州也曰北海所從

以通新插港且有鹽徒聚艘於此者也曰廟灣以其
爲巨鎮而可通大海口也故當事者欲以把總三人
一住新港一住北海一住廟灣一爲陸路遊擊住劄
海安鎮若海安在如臯泰州之間東可以控扼狼山
通州海門之入而西可以捍衛揚州也

按往者倭寇煽亂江北常被禍矣未有如江南之
慘且旋奏大捷者何哉蓋倭寇無他長所恃不過
一刀縱有倭弓鳥銃亦無幾何惟其深入則專必
死則闕且性狡猾善於設伏故常以寡擊眾江南

地多溝洫騎不得長驅步不得用衆往往爲其所
陷江北則地多平原人便弓馬誠以鐵騎强弩風
馳電驅未有不如駭鯨之決細網者劉顯淮揚之
捷是也若在東南非節制之兵兼火器長技未易
以較雌雄矣故大江以南陸兵雖不可少而禦之
於海爲要大江以北舟師雖不可廢而禦之於陸
亦易不惟地利所宜誠以南人使船如馬北人乘
馬如船正當以長擊短而不以短擊長也

直隸江北兵防宮老

狼山副總兵

駐劄通州

狼山把總

大河口把總

掘港守備

鹽城守備

東海把總

以上俱兼勝海

徐宿歸德叅將

鳳陽中軍都司

駐淮安

儀真守

備 泗州守備

安慶守備

周家橋把總

三

江口把總

滁河把總

浦子口把總

以上係防江淮

沿海衛所

淮安衛

軍八百五十名

左右前後中左中右六所

東海中千戶所

軍五

百五十名

海州中前千戶所

軍四百七十五名

大河衛 軍一千五百二十一名

左右中前後中左中右中前八所

儀真衛 四千四百八十名

高郵衛 旗軍六千七百二十名
屯軍四千四百四十名

興化千戶所

揚州衛 旗軍八千九百六十名
屯軍四千四百四十名

海鹽千戶所 屯軍八百八十二名
泰州千戶所

旗軍二百三十名
通州千戶所 旗軍二百三十名
屯軍八百八十二名

沿海營堡臺墩

揚州府

營十五

徐稱壯捷

大河壯武

廖角嘴掘港東營

鎮連登庸

輕忠平定

濟武忠節

掘港西營典義

寨九

羊寨

劉莊

白駒

劉斜

李家堡

拼茶

徐稱寨軍五十人
大河口軍二百人

廖角嘴軍五十人

烽墩九十三

劉莊寨烽墩一

白駒寨烽墩一

角斜寨烽墩二

李家堡烽墩五

拼茶烽墩四

泰州烽墩十一

掘港烽墩九

海門縣烽墩

二十八

通州烽墩八

浙江事宜

論要害

兩浙形勝太半負海島夷之來最爲切近日本舊時貢道在焉論列郡之海口則温州之飛雲橫陽館頭台州之松門海門寧波之定海太浹湖頭渡紹興之三江沙門杭州之赭山龕山嘉興之乍浦澉浦皆倭寇窺犯之地列郡之門戶也守門戶則堂奧自安矣論海洋之要害則金盤之鳳凰山南麂山松海之大陳大佛頭昌國之韭山定海之舟山遠而陳錢馬蹟

下八山臨觀之烈港海寧之洋山許山皆倭寇必經之地沿海之藩籬也守藩籬則門戶自固矣夫浙東地形突出海外固爲當敵要衝浙西雖涉裏海而豪華財帛之所聚也尤爲賊所垂涎兩浙設禦其容以軒輊耶

論設備

浙洋沿海舊設四總後增爲四叅六總矣四叅者杭嘉湖一寧紹一台金嚴一溫處一也六總者定海昌國臨觀松海金盤海寧也悉其防禦之制自內達外

有三重焉會哨於陳錢分哨於馬蹟羊山普陀爲第一重沈家門馬墓之師爲第二重總兵督發兵船爲第三重備至密也乃若定海者是寧紹之門戶舟山者又定海之外藩其地則故縣治也爲里者四爲畧者八十有三五穀之饒魚鹽之利可供數萬人不得取給於外非若普陀諸山比也

國初置昌國衛於其上屯兵戍守誠至計也信國公經畧海上以其民孤懸徙之內地改隸象山其見左矣都御史唐順之議復之卽今屯兵哨守豈非守江

必守淮之微意哉

論會哨

倭寇之來每自彼國開洋必徑抵陳錢山歇潮候風
集艘分犯若遇東南風高則望洋山以犯蘇松浙西
東南風和則望韭山朱家尖以犯寧紹若遇東北風
和則犯大佛頭主山鳳凰山以寇台溫東北風急則
越桐山流江以入閩是陳錢洋山乃浙直共守之門
戶桐山流江實閩浙相依之唇齒今以直隸兵船會
哨於洋山福建兵船會哨於流江嘉興寧紹台溫兵

船各會哨於隣總各取印信到單繳驗本總兵船各分哨道更相會哨其外洋總要山島每處撥軍數名責令收集柴草按伏瞭望遇警亦如烽堠之法舉火放銃則遠近易知兵船無悞而倭寇可無虞矣

總兵俞公大猷云自潭岸山以北以西之海水淺砂硬大船誤閣則破壞且無避風安輿兵船至彼如遇夜必須當洋下旋旋不能堅每被急流飄去或夜半發風則尤危然多賴天幸要非安計然則宜如何曰錢塘江烏嘴頭浦內船兵一枝不可無餘則練陸兵

精卒一枝以待而嚴赭龕哨探遠謀焉庶救倉猝或
曰賊舟何能至此曰賊用單桅小舟徑抵山邊閣乾
登刼故必用陸兵追捕方不走脫若以兵船必高大
方能勝賊如與賊舟等則勝負未可必也今言禦賊
於海也易要非通論海本遼闊舟行全藉天風與潮
人力能幾風順而重則不問潮候逆順皆可行若風
輕而潮逆甚難夏秋之間西北風起不日必極大操
舟者見此風候須急收安壘兵船在海每日遇晚俱
要酌量收泊安壘以防夜半發風至追賊亦要預計

今晚收泊何處若一意前追遇夜風起悔無及矣

又云沿海之中上等安處可避四面颶風者凡二十
三處曰馬蹟曰兩頭洞曰長塗曰高丁港曰沈家門
曰舟山前港曰潯江曰烈港曰定海港曰黃岐港曰
梅港曰湖頭渡曰石浦港曰豬頭嶼曰海門港曰松
門港曰蒼山嶼曰玉環山梁嶼等嶼曰楚門港曰黃
華水寨曰江口水寨曰大嶼曰女兒嶼中等安處可
避兩面颶風者凡一十八處曰馬木港曰長白港曰
蒲門曰觀門曰竹齊港曰石牛港曰烏沙門曰桃花

門曰海關門曰九山曰爵溪峯曰牛欄磯曰旦門曰
大陳山曰大床頭曰鳳凰山曰南麂山曰寬輿其餘
下等安輿只可避一面颶風如三孤山衢山之類不
可勝數必不得已寄泊一宵若停久恐風反別迅不
能支矣又潭岸山灘山許山之類皆團土無輿一面
之風亦所難避可不慎乎

都御史唐公順之云江南控扼在崇明浙東控扼在
舟山天生此兩塊土大海中以障蔽浙直門戶諸哨
船皆自此分而南北總會於洋山若會哨嚴緊遇船

卽打賊何從入信國廢昌國故縣而內徙之恐是千慮之一失未可謂昔人盡是而今人非也

把總蔡汝蘭云台州遼處海濱誠四塞之國南有桃
舉金竹北有桑洲桐廬西有關山衛墅疊嶂層岡重
關鳥道真可禦之險而且南去盤石楚門僅百五十
里東南去松門僅百里東去海門僅八十里設或倭
奴棄舟登陸皆可卒至城下自海門而上者則一潮
直達實一時難禦之變也三面阻山一面瀕海孤懸
於數百里之外救援接濟所難卒至者惟此耳曩者

戚叅將駐兵桃渚而倭奴屯聚桑洲運輸糧銀經月不至孤危之勢誠可畏也今宜於台州專立督餉方面積聚糧餉訓練兵士以爲重鎮而且西控溫處金衢北衛寧紹權非遙制而威可近飭也

鄭若曾曰國初定海之外秀岱蘭劍金塘五山爭利內相仇殺外連倭夷歲爲邊患信國公經畧海上起遣其民盡入內地不容得業乃清野之策也趙侍郎近奏令民間種以給幕租若興此利金塘一山卽可墾田數萬畝歲入米幾萬石玉環諸山計之每歲可

得米幾十萬石大爲海防之助但其患二故當道屢
議屢止其一是倭人藉以爲糧結巢于此兵費反多
其一是大家爭佃秋糧難徵且無益于小民以愚計
之須丈量爲屯田召民耕種輸賦軍門耕者搭棚廠
而居不挈妻孥不得買賣逐歲更始如人家放租之
法則官民兩利而爭奪之患免矣官差石工伐山造
堡海洋有警小民避入賊知堡中無子女財帛自無
結巢之念矣

都指揮戴冲霄云議者皆謂玉環等山可興屯田之

利以給募租愚謂此等山古時有民居耕作信國公
皆遷之內地不許其得業豈誠棄地利而不知惜哉
亦念荒山起稅爲利不多卽以萬頃計之不過千石
若寇據此以爲巢穴則攻逐之費不知幾倍是資盜
糧爲小而失大也故舟山止留二所瞭守而亦不許
民屯種其爲慮至深遠今日備倭之策不必遠求查
復信國公之制而已矣

金塘玉環諸山有言其可屯者有言其不可屯者
將安取衷哉大都海外絕島但當計其要害不當

計其小利如地有所必爭則雖無所利猶當守之
況有屯田之利乎如地在所可棄則雖見有居民
猶當徙之況無居民乎何也溟海孤懸島夷易犯
若無兵守之是委民以與敵也若有兵守之是利
十而費百也試觀浙之舟山閩之海壇粵之南澳
皆稱膏腴然其守之者良以固內地之藩籬耳若
論屯田所入之利豈足以供兵費之十二三哉卽
此可例論矣

一台州沿海近漲灘塗長數十里濶十里若倣范蠡

圍田之法令民耕種外設海塘一條以捍鹹潮俾
不得傷稻每歲起科以給募租可得若干萬石
一浙江平倭亂之後不二十年又有壬午兵民之變
雖緣撫御乖方亦以其地習戰鬪所用皆土著之
兵若閩中土客兼用軍兵並駕雖有一二脫巾終
不敢爲大逆亦得犬牙相制之法也然其原在於
將領不知大體無有勇知方之訓而越中兵柄多
歸有司將帥無權平時威令既不下逮有急安可
望其節制此皆覆轍所宜更駕者也

浙江兵防官考

鎮守總兵官

駐劄省城汛期出駐定海不時親歷海上各路將領俱屬節制新設坐營官一

員統領標

兵附紅

杭嘉湖叅將

駐劄海寧衛海寧把總專屬調度浙西沿海一帶自鯊子門起至金山衛止延

袤五百餘里皆其信地實省城之喉舌嘉湖之藩籬也

寧紹叅將

駐劄舟山臨觀定海昌國俱屬調度寧紹地方西自三江東至龍山延袤三百餘里

皆其信地

台金嚴叅將

駐劄海門衛松海把總專屬調度台州沿海一帶南自温州蒲岐北抵寧波昌

國延袤五百餘里皆其信地

溫處叅將

駐劄盤石衛金盤石把總專屬調度溫州地方與閩接界延袤四百餘里黃華飛雲

江口三港

皆為要害

海寧把總

海寧衛設一備倭總其分守杭嘉湖叅將所轄卽此總之地北出哨金山洋山與直

隸兵船相會南出哨許山衛山與臨觀烈港定海北哨俱相會

臨觀把總

臨山觀海二衛設一備倭總其分守寧紹叅將所轄此卽總之地東與定海兵船會

哨西與浙西兵船會哨

定海把總

管轄定海衛并在外後所屬衛大嵩中中左五所北自管界巡司起南至湖頭止

及外海舟山

皆其信地

昌國把總

管轄昌國衛并在外前後錢會四所及遊仙寨北自湖頭南至石浦馮家山止皆其

信地

松海把總

松門海門二衛設一僑倭總其分守台金嚴參將所轄卽此總之地東與寧波昌國

石浦港兵船交會南

與金盤兵船交會

金盤把總

金澤盤石二浦設把總一員其分守溫處參將所轄卽此總之地北至楚門交界與

台州松門關兵船會哨南至福建交界與烽火門兵船會哨

此外有軍門坐營左遊擊右遊擊三都司總兵坐營

衢州總捕守備陸路官兵不具載

沿海衛所

海寧衛

乍浦所

澉浦所

直隸都司

海寧所

登壇必究

卷之十

新修

書

紹興衛

三江所

臨山衛

漚海所

三山所

觀海衛

龍山所

定海衛

舟山中中中左二所

穿山後所

霽霽所

大嵩所

昌國衛

錢倉所

爵溪所

石浦前後二所

海門衛

桃渚所

健跳所

海門前所

新河所

松門衛

隘頑所

楚門所

盤石衛

蒲岐所

盤石後所

寧村所

温州衛 海安所 瑞安所 平陽所

金鄉衛 沙園所 蒲門壯士所

沿海關臺寨烽堠 乍浦所

寨十一 獨樹林 梁莊大 蒲山外

長沙灣 蒲山西 唐家灣

臺三 荇山 長沙灣 烽堠 高公山 陳山

海寧衛 寨三 北舖 藍田大 臺四 多生陞 北台

烽堠 九里 海口 藍田 泰柱山

澈浦所 寨五 東藍園 混水關 西嘴

南門總 葫蘆灣

臺一 東中台 烽堠 清山 塘山

海寧所 寨三 石墩山 廟山 黃灣

烽堠 鳳凰山 尖山 石墩山 潘家浦 下舖

三江所 寨一 發風岱 臺一 蒙池山

烽堠 杭塢山 烏峯山 馬鞍山

瀝海所 烽堠 槌樹 胡家池 西海塘

臨山衛 烽堠 槌浦 荷花池 下蓋山 趙港

方路 道塘

三山所 烽堠 徐家路 漣山 眉山 濟山

撮嶼 蔡山 吳山

觀海所

烽堠

西隴尾
新浦

向頭

瓜營

龍山所

臺一

龍山

烽堠

施公山
道塘

龍尾

龍頭

定海衛

關一

定海

寨一

江北

烽堠

高山
竺山

鸕鶿

汪家路

招寶山
大漁灣

張師浦

打鼓山

大尖岡

小山

舟山所

寨三

西硯
沈家門

千磧

臺一

青雷頭

烽堠

外潮
奇壽

鹿頸
郎家硯

螺峯

蒲沙

西山

硃磧

石禪

程家

吊嶼

小展

邵壽

赤石

接待

沈家門

石嶼

包家

石牆

謝浦

舟山

穿山後所

烽堠

硯頭
黃崎

所後

錫蓋

西山

白峯

霽霽所 臺一 三塔山 烽堠 盛舉 高山 觀山

大嵩所 烽堠 大干 崑亭 黃岩 慈舉 蛤舉

錢倉所 烽堠 青雷 東門嶺 蒲門嶺 前山

壽谿所 烽堠 公嶼 半嶺 趙舉 沙頭

昌國衛 寨三 遊仙 黃沙

烽堠 赤坎 黃沙 嵩舉 仁義 何家嶺

石浦前後所 關一 石浦關

烽堠 後山 前山 大金山

健跳所 臺一 高舉

烽堠

馮家

茅頭

後沙

鹿亭頭

大魚西

小魚西

折頭

長跳

桃渚所

臺一

桃渚

烽堠

望大樓

大荆山

洞井

蒼埠

停輿

嶼頭

下舊城

海門衛

臺二

東中鎮

烽堠

磊石

輕盈

長沙

新河所

烽堠

楊燠

泥畝

新塢

淨應

烏沙

松門衛

臺一

小高

烽堠

南寨

盤馬

松門

沙角

崔梅

磊石

莞澳

蛤浦

隘頑所

烽堠

長沙

白岩

峽門

江綿

驪頭

楚門所

寨一

楚門

烽堠

漁井

洋坑

泥湖

梅畝

馬鞍山

塔山

了營 楚門 清港 石橋 東門

西門 苦山 小青山 大青山

蒲岐所 臺一 下堡 烽堠 東山 南浦 後塘 錢銀

高嵩 樓澳

盤石衛 臺二 白沙灣 烽堠 岐頭 平山 嶼山

三嶼 日園 池澳 洋田

寧村所 寨五 沙溝 龍灣 長沙 臺一 楊頭

烽堠 龍灣 石浦 沙溝 沙村 長沙

海安所 寨四 丁田 田寨 臺一 白塔山

烽堠 鮑田 店下 錢家埠

沙園所

寨五

斗門
仙口

眉石北

眉石南

臺一

眉頭

烽堠

冷水
仙口

朱埠
烽火

平陽所

寨四

江父
真門

收路
廟背

臺一

蔡家山

烽堠

福泉
峯瑞

平嶺

金鄉衛

寨九

肥嶺
大魚野

文亭

石坪

大畧

石塘

烽堠

半塘
鳳凰

尖山
貓頭

白崎
箕山

馬跡
上洋

肥嶺
畢灣

嶺門

東崗

東山

蒙灣

嶺頭

蒲門壯士所

臺二

高陽
水竺

登壇必究

浙江寧波

天

烽墩

雷魯縣中

尖山

四表

時家

南堡

福建事宜

題設寨遊

八閩之地西北阻山東南濱海倭奴爲患自古已然故在洪武十九年則以江夏侯周德興正統九年則以侍郎焦宏景泰二年則以尙書薛希璉經畧海上自福寧南下以達漳泉置衛凡十一置所凡十四置巡司凡十有五控之於陸又置水寨防之於海初惟烽火南日浯嶼三寨景泰年增而爲五時則戰艦如雲旌旗相望且哨守皆衛所之軍有司無供億之費

外威內固有自來矣法久人玩武備漸弛倭患突登
舊制盡失加以內地奸民勾引接濟南澳走馬溪舊
浯嶼南日等要害俱爲番舶所據於是廣募民艦旋
設舟師五寨之外又分守十有六澳力分勢寡所在
莫支至嘉靖四十二年軍門譚綸題設五寨欽依
把總以舊設烽火南日浯嶼三寨爲正兵增設小埕
銅山二寨爲奇兵而又爲之分信地明拆堠嚴會哨
賊寡則自爲戰賊衆則合力併攻以抗拒外洋海防
爛然一新而南澳屬閩廣之交海寇往往煽害萬歷

三年軍門劉堯誨會同兩廣軍門 題設南澳副總
兵元鍾遊兵把總盜賊之淵藪旣據而氛祲漸消矣
其設浯銅海壇二遊總則自隆慶年也夫計全閩海
道不過二千里之程耳五寨三遊聯絡犄角誠不爲
疎然向者五寨兵船各四十隻兵二千二百餘名今
節次裁減船數雖存大改爲小兵僅存其三分之二
又太半貼駕軍兵人無固志官難約束望其乘風破
浪殲鯨鯢於海外不亦難哉倘欲禦大夥倭寇非復
譚軍門兵制之舊不可也

寨遊要害

福建五寨三遊鱗次海外舟師錯落扼險據隘比之
他省防禦似加密焉論要害則烽火之臺山小埕之
東湧海壇東庠南日烏坵浯銅彭湖元鍾彭山皆倭
寇必經之地但其地有可哨而不可守者有可寄泊
而不可久泊者其最險要而紆迴則莫如澎湖蓋其
山周遭數百里隘口不可方舟內澳可容千艘往時
居民恃險爲不軌乃從而虛其地今不可以民實之
明矣然則分兵以守之可乎曰不可也分兵者於法

爲弱遠輸者於法爲貧且絕島孤懸混茫萬頃輪不
及而援後時是委軍以予敵也然則南澳何爲而守
也曰不同也南澳雖在大海之中與內地僅隔一水
商舶海賈往來必經吾漳泉糧食仰給海運若南澳
失守是隔閩粵之肩臂而塞漳泉之咽喉也澎湖去
內地也遠風順尙有日半之程惟漁舟出沒耳販海
之舟不必經也故澎湖譬之石田棄之可也然使倭
寇結鯨而來則澎湖其巢穴矣又將何如曰修內地
之防嚴接濟之禁而後相機以撲滅之耳

海禁

漳泉負海之民舊有商賈爲業自先朝遏禁遂致
勾倭釀成禍府至萬歷初年巡撫龐尙鵬

請開海禁准其納餉過洋既裕足食之計實寓弭盜
之術蓋市禁則商轉而爲寇市通則寇轉而爲商理
固然也惟私販日本一節百法難防不如因其勢而
利導之弛其禁而重其稅又嚴其勾引之罪譏其違
禁之物如此則賦歸于國建民亦何所利而爲之
哉然日本欲求貢市斷不可許何也過洋自我而往

貢市自彼而來自彼而來則必有不測之變自我而往則操縱在我而彼且資中國之利二者固大不侔也若海禁愈嚴則獲利愈厚而奸民愈趨之矣嗟乎利乃亂之因也

一八閩多山少田又無水港民本艱食自非肩挑步擔踰山度嶺則雖斗石之儲亦不可得福興泉漳四郡皆濱於海海船運米可以仰給在南則資於廣而惠潮之米爲多在北則資於浙而溫之米爲多元鍾向專造運船販米至福行糶利常三倍每

至輒幾十艘福民便之廣浙之人亦大利焉兵興
山嶺戒嚴擔負既難而募調之費又眾大戶所積
莫肯輕糶海運又厲禁焉民食兵餉如之何而不
匱也故經畧福建之策莫先於處糶糧糶糧若缺
則五澳之兵雖設譬之衣冠之人外貌可觀而五
內腐裂四肢痿痺未有不喪亡者今日足食之計
有二其一須申明 祖宗之意止嚴雙桅船隻私
通番貨以啓邊釁所謂寸板不許下海者乃下大
洋入倭境也非絕民採捕於內海販糶于隣省也

嚴其保甲令民沿海運糶則廣浙有無相通而福
民不患於無食矣其二官府提編銀兩輸解督府
春夏給爲兵糧時價方貴有銀無米兵甚苦之不
如令有司以銀秋糴賤米則米數多春而隨兵所
至就以爲餉官與兵不兩利乎兵餉旣備民食亦
充豈惟倭夷不能爲福建患將使福民之勾引接
濟與倭爲黨者永不敢矣

一往年倭寇擁衆而來動以千萬計非能自至也由
福建內地奸人接濟之也濟以米水然後敢久延

濟以貨物然後敢貿易濟以嚮導然後敢深入海
洋之有接濟猶北郵之有奸細也奸細除而後北
口可驅接濟嚴而後倭夷可靖所以稽察之者其
在沿海寨司之官乎稽察之說有二其一曰稽其
船式蓋 國朝明禁寸板不許下海法固嚴矣然
濱海之民以海爲生採捕魚蝦有不得禁者要之
雙桅重底始可通番各官司於採捕之船定以平
底單桅別以記號違者燬之照例問擬則船有定
式而接濟無所施矣其二曰稽其裝載蓋有船

小亦分載出海合之以通番者各官司嚴加盤詰
如果是採捕之船則計其合帶米水之外有無違
禁器物乎其回也魚蝦之外有無販載番貨乎有
之卽照例問擬則載有定限而接濟無所容矣此
須海道官嚴行設法如某寨責成某官某地責成
某哨某處定以某號某澳束以某甲而又嚴保甲
連坐之法申汛期販海之禁如此而謂通番之不
可除未之信也

鎮撫鄭以忠曰杜接濟在乎嚴保甲重賞格而責之

海防官夫接濟之船非可以朝具而夕發也聚貨裹糧動經旬月同井之人非不知也所不舉者是連坐之不嚴而賞格之未重也必於五六月南風盛發之候海防官多置耳目於沿海出船之地着實體探重懸賞格但獲通倭接濟之船盡船貨賞其所獲之人官府一無所問其接濟者俱照近例重處家中知而不舉連坐夫用法有經權用於無事之時則宜寬用於有之事日則宜嚴要在使人難犯也

遊擊王有麟曰論閩事者往往以復江夏侯舊寨爲說又有言其不當復者不知今之寨遊雖設在舊寨之內而其哨守常在舊寨之外其言當復與不必復者皆剿紙上之談而未親歷海上者也

閩人問於鍾曰倭情見矣今之倭視昔何若曰昔之倭倭之部落也其來無幾今稱關白者倭之酋長也其衆難計殆甚也今之民情視昔何若曰昔之民情病在怯敵今之民情病在狂敵夫倭情不同不過厚爲之備耳至於民情不同則其故難言已

自嘉靖末奸民誘倭入犯時承平日久民不知兵
視倭如鬼神虎豹不可嚮邇一倭持刀數十百人
豕奔瓦解無敢誰何及久而習見則知其技止此
耳乃一二名將遂收功蕩平間有餘黨伏竄窮餓
於山谷間樵夫豎子皆得誘而擒之今猶耳濡目
染知倭之莫能爲毒也然天下貧者多而富者少
善人少而不善人多彼貧者視富家之豪華則曰
倭來若等我耳又或爲勢家所拂鬱則曰倭來若
無噍類矣至游手無賴之徒則曰倭來吾且因之

以爲利而其不可言者無論也嗟夫此豈可聞於
敵哉故曰昔之患在怯今之患在狃患怯者在倭
患狃者在吾民也然則如之何曰以閩中論之但
當禦倭於海則變無從生若一入內地其禍蔓延
矣以天下論之惟當禦倭於朝鮮使今帆不渡若
一犯中國則未易救藥矣乃若撫馭人心則有主
者

福建兵防官考

鎮守總兵官

駐劄省城遇汛則往鎮東衛居
中調度各路參遊俱屬節制

潮漳副總兵

駐劄南澳元鍾遊兵把總專聽調度又
福管陸兵三百名標下中軍把總管之

南路叅將

駐劄漳州賊遇汛則往銅山銅山寨把總
專聽調度又漳州銅山客兵共二營陸鰲

土兵一營

俱屬管轄

軍門坐營

駐劄省城有客兵一營土
兵一營專聽調度兼應

總兵坐營

駐劄省城遇汛則往鎮東
衛有客兵一營專聽調度

北路守備

今議改叅將
駐劄福寧州遇汛則往大金所土兵二營

駐本州新客兵一營

駐羅源俱聽調度

中路守備

駐劄興化府遇汛則往平海衛有興化
客兵二營泉州客兵一營聽其節制

烽火把總

該寨兵船四十隻民兵六百餘名遇汛駐
駕軍兵近千名今議增船一十隻兵一千

名其北則界乎浙江蒲門其南則界乎連江濠
澳福寧州沿海一帶皆其信地全閩之門戶也

小埕把總

該寨船隻兵數大畧與烽火同北與烽火
會哨南與南日會哨西洋下日竿塘白犬

皆其信地省
會之門戶也

南日把總

該寨船隻兵數大畧與烽火同北與小埕
會哨南與浯嶼會哨自海壇舊南日平海

湄洲一帶
皆其信地

浯嶼把總

該寨船隻兵數大畧與烽火同北與南日
會哨南與銅山會哨自崇武永寧福全金

門中左所沿海
一帶皆其信地

銅山把總

該寨船隻兵數大畧與烽火同北與浯嶼
會哨南與元鍾遊兵會哨自鎮海至盤銅

山沿海一帶
皆其信地

元鍾遊兵把總

該遊兵船四十隻民兵一千六百餘名遇汛畢船隻修造則兵放班南澳

雲蓋寺青澳并勝澳走馬溪皆其信地今兵船各議增

海壇遊兵名色把總

該遊兵船二十四隻兵九百餘名專泊海壇信地與南日兵船

備守支福

州府錢糧

浯銅遊兵名色把總

該遊兵船原十六隻今議增八隻專泊舊浯嶼金門所等處與

浯嶼兵船協守

支泉州府錢糧

此外有都司行司汀漳守備及延建汀邵陸兵不具

載

沿海衛所

福寧衛 大金所 定海所

鎮江衛 梅花所 萬安所

平海衛 莆禧所

永寧衛 崇武所 福全所 金門所 高浦所

中左所

鎮海衛 六鰲所 銅山所 元鍾所

沿海烽墩

福寧州 沙埕 白鷺 南嶺 白岩 木澳
黃崎 龍山 金家 南金 古縣

大峯 三山 梅花 台澳 賴離 東壁
後時 沙松 長門 積石 青山 界石

塔尾 閩峽 羅浮 下簞 下諸 石湖

關崎 赤崎 車安 南山 雷金 小南

北頂 烽火岡 小青畫

大青畫 北山頭

福州府

北菱 官澳 容嶼 奇運 大埕
長崎 定海 官塢 黃崎 裏頭石

礁角 桃源 東岸 小澳 潭西 石鼓
嶺頭 東崎 石 斗湖 下浪 騎山

下嶼 山前 蕉山 嶼頭 松下 湘井
石門 山崎 峯前 陳塲 大讓 龍下

後營 大坵 桃嶼 馬頭 澤朗 白鶴
茶林 車盤 仙巖 前溪 塔山 頭

蟹嶼 前村 壁頭
洪坑 峯嶺

興化府

迎仙 茶浦 埕口 後浦 三江口
鯽魚 黃崎 岩心 東林 湖邊

澄港 石城 蔡山 下徐 石井 小澳
石獅 嵌頭 大崙 上歐 繩澳 章厝山

砂頭	谷城	吳山	濠山	礪山	林邊山
東山	西山	文甲	塔山	後浦	尖頭山
吉了	塔林	大洪	東林	崎頭	
庵前山	埋頭山	渡邊山			

泉州府

峯尾	高山	尖山	後黃	下頭
蕭山	小砵	馬頭	大砵	海頭山

大山	嶺窟	後任	埕埕	赤山	白崎
青山	白沙	古雷	法石	石門	流石

祥芝	龍坡	東埔	古雲	尾寨	坑尾
沙鹿	中樂	吳沙	深滬	廣山	坑園山

安平	陳坑	石齒	潘徑	臨捕	東門外
石頭	蕭下	白沙	青山	荷肉	石井

溪東	下吳	白石	葉了	峯上	科羅
新頭	歐山	大嶺	牛嶺	西山	青崎

橋頭	漁頭	溪邊	下崎	亭泥	洪林尾
列山	西廬	薄尾	流礁	五通	東澳

徑山	井上	塔頭	龍烟	廈門
東渡	馬鑾	駁舍	大員堂	

漳州府

華崎 烏嶼 大逕 卓崎 許林頭

小溪 月港 小澳 白塘 港口

登火 峯山 洪邱 安集 漁會 蕭頭

灣角 古樓 蘇尖 川渡 泊浦 陳平

黃崎 洋林 滿山 東灣

鹽倉 南山 洋尾

廣東事宜

東路

廣東列郡者十分爲三路東路爲惠潮一郡與福建連壤漳泊通番之所必經議者謂潮爲嶺東之巨鎮柘林南澳俱係要區扼吭撫背之防不可一日緩而靖海海門蓬州大城諸所又皆跬步海濤所賴以近保三江遠衛東嶺者也惠州海豐東南濱海其捷勝平海碣石甲子門皆瞬息生變尤宜加之意焉倘柘林南澳失守是無潮也平海碣石失守是無惠也舟

師防禦有信地之責者可少懈乎

鐘澳南澳當閩廣交界在大海之中有山田數千畝乃

國家起發居民遺棄之地也嘉隆間倭泊于此互市
廣捕急則奔閩閩捕急則奔廣而海寇許朝光吳
平之徒相繼巢穴於此誠盜賊淵藪也萬歷三年
總督軍門殷福巡建撫劉題設副總兵以彈壓之
外以奪海寇之巢內以絕接濟之路左以伸閩之
臂指右以固粵之門戶而屯田海利其小者也

年來漳潮無亡矢遺鏃之費策誠得矣其次則惠潮二府亦當敵要衝向被倭寇殘擾爲甚今惠潮各有叅戎柘林碣石有備總亦上游之藩蔽也議者謂惠潮水道延袤千里若海門靖海甲子所之間宜添設水兵一營遊擊海上與南澳各寨相爲犄角而東路遂可安枕然言之於無事之日迂矣
中路

嶺南濱海諸郡左爲惠潮右爲高雷廉而廣州中處故於此置省其責亦重矣瓊郡大洋風濤千里皆盜

賊淵藪帆檣上下烏合突來樓船屯哨可容緩乎嘗
考之三四月東南風汛日本諸島入寇多自閩趨廣
柘林爲東路第一關鎖使先會兵守此則可以遏其
衝而不得泊矣其勢必越於中路之屯門鷄栖佛堂
門冷水角老萬山虎頭門等澳而南頭爲甚或泊以
寄潮或據爲巢穴乃其所必由者附海有東莞大鵬
戍守之兵使添置往來預爲巡哨遇警輒敵則必不
敢以泊此矣其勢必歷峽門望門大小橫瑟山零丁
洋仙女澳九龍山九星洋等處而西而浪白澳爲甚

乃番舶等候接濟之所也附海有香山所戍守之兵使添置往來預爲巡哨遇警輒敵則亦不敢以泊此矣其勢必歷崖門寨門海萬斛山潮州等處而西而望峒澳爲甚乃番舶停留避風之門戶也附海有廣海衛新寧海朗所戍守之兵使添置往來預爲巡哨遇警輒敵則又不敢以泊此矣夫其來不得停泊去不得接濟則雖濱海居民且安枕而卧況會城乎

鐘按廣東省會襟江帶海其東出海則由虎頭門而虎頭門之東則爲南頭省會之門戶也其西出

海則爲崖門崖門之西則爲廣海衛而香山澳在省會西南夷人住泊于此稱密邇焉異日者倭寇常殘破廣海衛矣海寇曾曾輩由五虎門楊帆而來鼓棹而去莫敢誰何無備故也今旣設南頭叅將廣海守備控制于外虎頭門把總防守于內又總鎮標下添設中權二部水軍以備策應由今視昔萬一有不測之變豈遂至束手哉然議者以濠鏡澳終爲腹心之疾或議毀其巢廬或議移之浪白三洲或議設官以治之或議以隣國爲壑而徙

之南澳要非根本之論也夫東省之有番船譬人身之有痰火苟元氣完固精神充足則火與痰亦爲血脈運動之資若元神虛耗榮衛不周而區區以去病爲務未有不日消而月削也故文德武備圖治者不容缺一

西路

議者曰廣東三路雖並稱險阨今日倭奴衝突莫甚於東路亦莫便於東路而中路次之西路高雷廉又次之西路防守之責可緩也是對日本倭島則然耳

三郡逼近占城暹邏滿刺諸番島嶼森列游心注盼
防守少懈則變生肘腋滋蔓難圖矣可弗講乎故高
州東連肇廣南憑溟渤神電所轄一帶海澳若蓮頭
港汾州山兩家灘廣州灣爲本府之南翰兵符重寄
不當托之匪人以貽保障之差也雷州突出海中三
面受敵其遂溪湛川澗洲樂民等四十餘隘固爲合
衛三道門戶而海安海康黑石清道并徐聞錦囊諸
隘所以合防海澳以操縱反側俾不敢梗化焉者可
玩愒哉若廉州則尤爲全廣重輕海北扼塞兩有攸

寄故兵符特割於靈山達堡增屯於衛北海寇嗣僚
外夷之憂視三嶺獨勞焉西南雄郡如瓊爲廉之外
戶五指腹心盡爲黎據郡邑封疆無不濱海備倭之
制若白沙石瓊館頭文昌海安海康對峙番島飄風
突來防禦甚艱近雖駐叅將於崖州責有攸寄而守
禦營戍舊額歲久寢弛凡此皆西路今日所當汲汲
經畫焉者深念預防俾幕南稽顙重譯來庭非長民
若兵者之責乎

鑑按西路要害論之詳矣今之設備視昔又加密

焉自嘉靖十九年征黎而有瓊崖叅將之設然猶兼雷廉也至隆慶六年倭亂而始專設雷廉叅將其白鴿白沙二總則設於嘉靖四十五年北津把總則設於萬歷八年至萬歷十七年珠賊爲患而始有瀾洲遊擊之設蓋西路東防倭夷西控諸番外禦交黎內搗珠寇營寨舟師棋置星列可謂備矣議者謂電白一帶向被倭寇殘陷如蹈無人之境倘猶垂涎於此取故道而來則陽電叅將之復似當議也又謂天下形勢皆內中國而外四夷獨

瓊崖州郡在外黎岐居中五指腹心永爲左袂不
無首足倒懸之嘆嗟乎此特設兵彈壓撫馭綏徠
或觀釁而動因縣治之用夏變夷則可耳若治平
無事欲禽獮而草薶之亦非仁人君子之用心也
一廣東濱海諸邑當禁船隻若增城東莞則茶窖十
字灣番禺則三漕波羅海南海則仰船岡茅浩順
德則黃涌頭香山新羅則白水分水紅等處皆盜
賊淵藪也每藏集兇徒肆行搶掠珠禁弛則駕大
船以盜珠珠禁嚴則駕小艇以行劫交通捕快接

濟番船盡害最甚爲今之計莫若通行各縣令沿海居民各於其鄉編立船甲長副不拘人數惟視船之多寡依十家牌法循序應當如船二十隻總統於船甲長內以十隻分統於甲副仍於船尾外大書某縣船某甲下某人十字翻刻墨填爲記其甲長副各置簿一扇備載鄉中舡數并某樣船隻某項生理一一直書每歲具呈於縣以憑查考如遇劫賊則被害者能識其船速投首於甲長副鳴鑼追究俾遠近皆知無字號者卽係爲非許人

俱得擊送舊時沿海居民明知賊盜懼其反攻而不救今後坐視者罪以通同則船有統紀而行劫之徒忌畏況操舟之時可以按簿呼召給價差用而不致賣放之弊乎

一閩廣商民以販海爲業寸板不許下海其禁難矣今開之於收汛之時則商賈之利通禁之於出汛之時則接濟之奸絕且出汛官兵比遇海上異船便可揚帆追擊而賊船不得假商船以入內地此海防上策也然必閩廣通行使商民明知春汛四

閏月以清明前爲始冬風二閏月以霜降前爲始
惟此二風海禁不得故違餘時聽其往來則航海
者知其趨避而防汎通商兩不相病矣噫常清難
與慮始惟在決斷行之耳

廣東兵防官考

鎮守總兵官

駐紮省城各路將領俱屬節制有坐營官統領標下客土兵三營又中權左右

二部兵船各十隻官兵各四百二十五員名泊虎頭門專聽調度策應

潮漳副總兵

駐紮南澳柘林守備專屬調度有廣營陸兵三百名又中哨兵船一十三隻官

兵三百五十六員名

專聽坐駕遇警追擊

潮州叅將

駐劄潮州遇汛則出駐大城等所有陸兵五營專聽調度兵遇汛亦出沿海

惠州叅將

駐劄惠州遇汛則出駐碣石衛有陸兵四營碣石把總專聽調度

南頭叅將

駐劄新安縣遇汛出海大小兵船五十三隻官兵一千四百九十四員名陸兵一營

自巽寮港接碣石信地起歷大鵬佛堂嶺琴三龜至三角洲止與廣海信地相接廣海守備虎頭門把總俱

屬節制

雷廉叅將

駐劄雷州陸兵二營白鶴門把總專聽調度

瓊崖叅將

春冬駐瓊州夏秋駐崖州陸兵五營白沙把總三亞分總俱聽調度

潯州遊擊

駐劄潯州兵船大小四十九隻官兵一千六百六員名自海安所接白鶴信地起歷

海康樂民乾體港至欽州龍門港止皆其信地

柘林守備

該寨原大小兵船四十五隻官兵一千一百七十五員名近添防倭戰船二十五隻

新增官兵一千二百八十五員名自福建遊兵交界起歷南澳長沙尾馬耳河渡門海門等處至惠來神泉港止皆其信地與碣石相接

碣石把總

該寨兵船大小三十四隻官兵八百五十四員名自神泉港接柘林信地起歷甲子

港田尾洋白沙湖長沙等處至大星山巽寮港止皆其信地與南頭相接

虎頭門把總

該寨大小兵船二十隻官兵四百四十四員名東南接黑石角南頭信地西至

香山界北至布涌哨界

廣海守備

該寨原大小兵船一十八隻官兵七百四十七員名今增兵船十隻兵三百三十五

名自三洲接南頭信地起至芒洲娘澳止與北津信地相接

北津把總

該寨大小兵船三十四隻官兵九百七十六員名自芒洲蝦澳接廣海信地起歷海

陵放鷄蓮頭至吳川赤水港止與白鴿信地相接

白鴿門把總

該寨大小兵船二十八隻官兵八百四十六員名自赤水港接北津信地起歷

限門沙頭洋至海安所止與圍洲信地相接

白沙把總

該寨遠議海外駐劄白沙大小兵船二十隻官兵八百七十八員名三亞寨分總大

小兵船二十七隻官兵七百七十四員名如文昌清瀾會同樂會澄邁邁臨高儋州昌化陵水萬州感恩魚鱗洲等海洋皆其信地東接白鴿西接瀾洲各海界

此外有東山西山叅將肇慶遊兵遊擊本省都司兩廣軍門坐營都司總兵坐營羅定恩平南韶守備各

路陸兵不具載

沿海衛所 潮州衛

旗軍一千三百二十八名

大城所

旗軍三百八十三名

蓬州所

旗軍三百八十八名

海門所

旗軍二百二十五名

靖海所

旗軍二百

八十
五名

碣石衛

旗軍一千二百八十四名

甲子門所

旗軍二百八十七名

捷勝所

旗軍

五百八

十二名

海豐所

旗軍四百零二名

平海所

旗軍四百四十七名

南海衛

旗軍一千三百七十一名

大鵬所

旗軍二百二十三名

東莞所

旗軍三百

二十
八名

廣海衛

旗軍一千一百六十五名

香山所

旗軍四百二十八名

新會所

旗軍

六十名海朗所旗軍二百八十四名

肇慶衛旗軍八百六十七名新興所旗軍二百五十二名陽江所旗軍二百八十

二名

神電衛旗軍一千五十八名陽春所旗軍二百一十名雙魚所旗軍一百七十

七名寧川所旗軍四百五十七名

雷州衛旗軍見在一千一百九十五名石城後所旗軍二百三十四名錦囊所

旗軍二百三十五名海安所旗軍一百八十一名海康所旗軍二百三十三名樂

民所旗軍三百四十五名

廉州衛旗軍九百五十二名永安所旗軍二百九十九名靈山所旗軍二百五十四名

欽州所 旗軍二百一十七名

海南衛 旗軍一千三百七十八名 儋州所 旗軍四百八十四名 萬州所 旗軍四百

六十 崖州所 旗軍四百一十八名 清瀾所 旗軍四百八十七名 昌化所

旗軍三百五十二名 南山所 旗軍二百一十五名

沿海烽堠 潮州府 白沙 黃岡 白峯 井洲 鷄髻 鴻山 新村 霞山

錢塘 浮山 石牌 大塲 下嶺 沙尾 錢岡 石城 南下 南山 鈞簾 文昌

惠州府 安克 沿錫 鏡山 後標 前標 桑州 吉頭 麗山 麗江 新還

平安 新設 古邇 石山 河甲 大麻 東坑 芳茅 虎白 長沙 凹背

沙洪 水頭 銀平 燕州 沙江 白沙湖 野牛澳 舊大鵬

廣州府

風門凹 秋風角 鹽田 疊福
嘴角 赤岡 福涌 冷水 養灣

南山

岡村 英村 青紫 黃埔 石岐

員攬

長洲 烟江 節尾 青藍 石門

四會

白沙 水南 黃岐 馬鞍 梢潭巡

北素

企觀 陳村 雙江 奇梨 亭子角

鎮口

樂南 白蒙 峯前 放火南

豐田

退田 大人嶺 白石角

肇慶府

儒處 三了 丹草 南洋 北平山
烟仔 那蘇 北津 尖山 白沙

那貢

潭村 合浦 麻里 赤水 壽長

白沙

那浮 石門 北額 南海 黃村

高州府

羅浮 白山 連頭 大陳 山尾
蘭陽南 輔弼北 尖峒 調高

雷州府

北鵝 麻障 石歲 北月 北品
西堡 南浦 淡水 草綠 調陳

通明

南門 陳家 寧海 調黎 清安

踏磊

對樓 討綱 包西 八燈

遇賢

白沙

七星

變水

中場

大場

赤石

蓮塘

聚北

楊調

去水

水口

牛頭

大營

南山

郎樓

佛老

古奔

魚鱗

白沙

山南

南港

北港

大材

南岸

洋冲。

北海

找葛

大英

身口

濯漣

禾田灣

找葛

門生

廣陵方元壯
貴陽鍾伏武

全校